



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput trigesimum septimum. Jesus parabolis inter concionandum & docendum saepissime utitur.

urn:nbn:de:hbz:466:1-16260

CAPUT XXXVI.

Jesús in Galilæa de Deo prædicat.

ISA. 9. 1, 2. *Primo tempore alleviata est terra Zabulon, & terra Nephthali; & novissimo aggravata est via maris trans Jordanem Galilæa gentium. Populus qui ambulabat in tenebris vidit lucem magnam: habitantibus in regione umbræ mortis, lux orta est eis.*

MATTH. 4. 12, & seq. *Cum autem audisset Jesus quod Johannes traditus esset, secessit in Galilæam, & relicta civitate Nazareth, venit & habitavit in Capharnaum maritima, in finibus Zabulon & Nephthalim: ut adimpleretur quod dictum est per Isaiam prophetam, Terra Zabulon, & terra Nephthalim, via maris trans Jordanem, Galilæa gentium, populus qui sedebat in tenebris, vidit lucem magnam, & sedentibus in regione umbræ mortis, lux orta est eis. Exinde cepit Jesus prædicare, & dicere, Penitentiam agite: appropinquavit enim regnum celorum.*

MARC. 1. 14. *Postquam autem traditus est Johannes, venit Jesus in Galilæam, prædicans Evangelium Dei.*

LUC. 4. 14, 15, 31. *Et regressus est Jesus in virtute spiritus in Galilæam, & fama exiit per universam regionem de illo: & ipse docebat in Synagogis eorum, & magnificabatur ab omnibus. Et descendit in Capharnaum civitatem Galilæa, ibique docebat illos Sabbatis.*

JOH. 4. 43. *Post duos autem dies exiit inde, & abiit in Galilæam. Ipse enim Jesus testimonium perhibuit, quia Propheta in sua patria honorem non habet. Cum ergo venisset in Galilæam, exceperunt eum Galilæi, cum omnia vidissent, quæ fecerat Hierosolymis in die festo: & ipsi enim venerant ad diem festum. Venit ergo iterum in Cana Galilæa, ubi fecit aquam vinum. Et alibi passim.*

CAPUT XXXVII.

Jesús parabolis inter concionandum & docendum sæpissime utitur.

PSALM. 77. 2. *Aperiam in parabolis os meum, loquar propositiones ab initio.*

MATTH. 13. 3, & seq. *Locutus est eis multa in parabolis. Et accedentes Discipuli dixerunt ei, Quare in parabolis loqueris eis? Qui respondens ait illis. Ideo in parabolis loquor eis, quia videntes non vident, & audientes non audiunt, neque intelligunt. Hac omnia locutus est Jesus in parabolis ad turbas, & sine parabolis non loquebatur eis, ut impleretur quod dictum erat per Prophetam dicentem, Aperiam in parabolis os meum, eructabo abscondita a constitutione mundi. Et Marc. 4. 2, & seq. & 12. 1. Luc. 8. 9, 10. & alias sæpe.*

JOH. 16. 25, 29. *Hæc in proverbis locutus sum vobis: venit hora, cum jam non in proverbis loquar vobis, sed palam de Patre annuntiabo vobis. Dicant ei Discipuli*

ejus, Ecce nunc palam loqueris, & proverbium nullum dicis.

I. SEPTUAGESIMUM septimum Psalmum ab antecedente haudquaquam disjungendum esse Judaei quidam tradiderunt. Atqui praecedens ille Psalmus, juxta Midrasch Psalmorum, querimonia est Israeliticae gentis Sponsae ad Deum Sponsum; quorum uterque in Cantico Canticorum exhibetur. Sponsum vero hunc Messiam esse fatentur iidem Ebraei, proindeque consequens est eam *משיח*, quam ex septuagesimo septimo Psalmo hic affert Matthaeus, totumque adeo Psalmum, juxta Ebraeorum doctrinam ad Messiam referri.

Septuagesimus septimus Psalmus ad Messiam jure refertur, ex doctrina Ebraeorum.

CAPUT XXXVIII.

Sermonum Jesu vis & efficacia.

ISA. 11. 4. Percutiet terram virga oris sui, & spiritu labiorum suorum interficiet impium.
 Isa. 49. 2. Posuit os meum quasi gladium acutum.

APOC. 1. 16. De ore ejus gladius utraque parte acutus exibit. Et 2. 12, 16.
 Apoc. 19. 15, 21. Et de ore ejus procedit gladius ex utraque parte acutus, ut in ipso percussat gentes: & ipse reget eas in virga ferrea Et ceteri occisi sunt in gladio sedentis super equum, qui procedit de ore ipsius.

CAPUT XXXIX.

Jesus miranda facinora edit, & omnis generis languores sanat.

PSALM. 4. 4. Et scitote quoniam mirificavit Dominus Sanctum suum.

Psalm. 102. 3. Qui propitiatur omnibus iniquitatibus tuis; qui sanat omnes infirmitates tuas.

Isa. 42. 6, 7. Ego Dominus dedi te in fœdus populi, in lucem gentium, ut aperires oculos caecorum, & educeres de conclusione vincitum, de domo carceris sedentes in tenebris.

Isa. 53. 4. Vere languores nostros ipse tulit, & dolores nostros ipse portavit.

Isa. 61. 1, & seq. Spiritus Domini super me, eo quod unxerit Dominus me: ad annuntiandum mansuetis misit me, ut mederer contritis corde, & predicarem captivis indulgentiam, & clavis apertionem; ut predicarem annum placabilem Domino, & diem ultionis Deo nostro: ut consolarer omnes lugentes: ut ponerem lugentibus Ston, & darem eis coronam pro cinere, oleum gaudii pro luctu, pallium laudis pro spiritu mororis.

Ezech. 14. 15, 16. Ego pascam oves meas, & ego eas accubare faciam, dicit Dominus Deus. Quod perierat, requiram; & quod abjectum erat, reducam; & quod contractum fuerat, alligabo; & quod infirmum fuerat, consolidabo; & quod pingue & forte, custodiam.

MATTH. 4. 23, 24. Et circuibat Jesus totam Galilaam, docens in Synagogis eorum, & predicans Evangelium regni, & sanans omnem languorem, & omnem infirmitatem in populo. Et abiit opinio ejus in totam Syriam, & obtulerunt ei omnes male habentes variis languoribus & tormentis comprehensis, & qui Dæmonia habebant, & lunaticos, & paralyticos, & curavit eos. Et Matth. 9. 20, & seq. & 9. 35. & 11. 20. & 15. 22, & seq. & 21. 15. Marc. 1. 32, & seq. & 5. 2, & seq. & 6. 5. & 7. 25, & seq. & 7. 32, & seq. Luc. 4. 33, & seq. & 4. 40, 41. & 5. 18, & seq. & 8. 2, 27, & seq. & 9. 38, & seq. & 11. 14, & seq. & 13. 11, & seq. & 14. 2, & seq. Joh. 2. 1, & seq. & 4. 46, & seq. & 5. 5, & seq. & 6. 2. & scilicet in Evangelio.

Matth. 8. 16, 17. Vespere autem facto obtulerunt ei multos Dæmonia habentes, & eiciebat spiritus verbo, & omnes male habentes curavit: ut adimpleretur quod dictum est per Isaiam prophetam dicentem, Ipse infirmitates nostras accepit, & agrotationes nostras portavit.

Luc. 4. 17, & seq. Et traditus est illi liber Isaiæ propheta. Et ubi revolvit librum, invenit locum ubi scriptum erat, Spiritus Domini super me: propter quod unxit me, evangelizare pauperibus misit me, sanare contritos corde, predicare captivis remissionem, & caecis visum, dimittere contractos in remissionem, predicare annum Domini acceptum, & diem re-

Ggg ij